

मार्निंग डोगरी न्यूज़ बुलेटिन, समें. 09-20 Hrs

<><><><><><>

### Headlines

1. प्रधानमंत्री नरेन्द्र मोदी होर अज्ज ब्राजील दे रियो डी जेनेरियो च जी-20 शिखर सम्मेलन च हिस्सा लैंगन। ओह इस सम्मेलन थमां बक्ख-बाहरें केई बड्डे नेताएं कन्नै बी गल्लबात करगंन।
2. उपराज्यपाल मनोज सिन्हा होरें जम्मू संभाग दे डिप्टी कमीशनरें ते एसएसपीएं कन्नै बैठक लाइयै खित्ते च सुरक्षा ते विकास परियोजनाएं दी स्थिति दा जायजा लैता।
3. सुरक्षाबलें बारामुला च आतंकवादिएं दे इक मददगार गी हिरासत च लेइयै ओहदे थमां थेआर ते गोला बरुद बरामद कीता ते शोपियां च आतंकवादिएं दे इक गुप्त ठकाने गी तबाह कीता ऐ।
4. बन्ने आले जिले पुंछ च आयोजित फौज दी भर्ती रैली च 26 ज्हार शा मते नोजवानें हिस्सा लैता।

<><><><><><>

### PM Modi G-20

प्रधानमंत्री नरेन्द्र मोदी होर अज्ज ब्राजील दे शैहर रियो डी जेनेरियो च लग्गा करदे जी-20 शिखर सम्मेलन च हिस्सा लैडन। मेद ऐ जे श्री मोदी होर इस शिखर सम्मेलन थमां बक्ख-बाहरें दुनिया दे बड्डे नेताएं कन्नै बक्खरे-बक्खरे बैठकां बी लाडन। प्रधानमंत्री मोदी, अमरीका दे राष्ट्रपति जो बाईडन ते चीन दे राष्ट्रपति शी जिनपिंग होर ओकड़े प्रमुख नेताएं दी सूची च शामिल न जेहड़े अज्ज ते कल बी रियो डी जेनेरियो च लग्गै करदे जी-20 शिखर सम्मेलन च हिस्सा लैडन। ब्राजील ते दक्खन अफ्रीका सने भारत जी20 ट्रोइका दा हिस्सा ऐ ते ओह ऐल्लै जारी जी20 शिखर सम्मेलन दिएं चर्चाएं च बी बड़ी सक्रियता कन्नै हिस्सेदारी जकीनी बनाऽ करदा ऐ। जी-20 शिखर सम्मेलन दरान प्रधानमंत्री मोदी होर आलमी सतह दे बक्ख-बक्ख मुद्दें पर भारत दी स्थिति पेश करने दे कन्नो-कन्नी नमीं दिल्ली च आयोजित जी-20 शिखर सम्मेलन च जारी घोषणा पत्तर दे नतीजें ते हाल दे ब'रें च भारत आसेआ आयोजित वाईस ऑफ द ग्लोबल साउथ शिखर सम्मेलन दे नतीजें पर चर्चा करडन। पिच्छले ब'रे सितम्बर म्हीने, भारत नै नमीं दिल्ली च जी-20 शिखर सम्मेलन दी बड़ी कामयाबी कन्नै मेजबानी कीती ही जित्थे उन्नै दुनिया भरै दे बड्डे नेताएं गी नमीं दिल्ली घोषणा पत्तर च रूस-यूक्रेन जंग दे मुद्दे गी शामिल करने लेई आम सैहमति बनाइयै इक बड्डी कूटनीतिक जित्त हासल कीती ही।



## LG Sinha Meeting

लेफ्टिनेंट गवर्नर मनोज सिन्हा होरें कल जम्मू संभाग दे डिप्टी कमिशनरें, एसएसपीएं ते होरनें सिविल ते पुलस विभाग दे वरिष्ठ अधिकारिएं दी इक उच्ची सतह दी बैठक लाइयै खित्ते च जारी विकास परियोजनाएं दी स्थिति ते सुरक्षा हालात दा जायजा लैता। इस मौके एलजी होरें आखेआ जे आपूँ'चै तालमेल बनाइयै कम्म करदे होई असें'गी इस गल्लै गी जकीनी बनाना लोड़चदा ऐ जे आतंकवाद ते उनें'गी समर्थन देने आहले तंत्र दा समूलचा नास कीता जाई सकै। उनें अधिकारिएं गी आखेआ जे जिसलै तगर आतंकवाद गी जड़ थमां खत्म नेई करी दित्ता जंदा उसलै तकर ओह् अराम कन्नै नेई बौहन। श्री सिन्हा होरें परियोजनाएं दी अमल-आवरी दी लगातार निगरानी करने ते तेजिआ कन्नै ढांचागत विकास जकीनी बनाने दी जरूरतै पर जोर पाया। उनें डिप्टी कमिशनरें गी निर्देश दित्ता जे ओह् आम लोकें तोहड़ी पुज्ज बनाने आहले कार्यक्रमें दा दायरा बधाने ते 100 फीसद योग्य लोकें गी सरकारी योजनाएं दे दायरे हेठ आहनने लेई व्यापक उपाऽ करन। उनें आखेआ जे राई-बाई खेत्तर दे विकास ते इक जिला इक उत्पाद ज्नेई पैहलकदमिएं गी होर अगगे बधाने बक्खी टकोह्दा ध्यान दित्ता जाना लोड़चदा ऐ तांजे मते शा मते लोकें गी इंदा लाह हासल होई सकै।



## Arrest

सुरक्षाबलें कल बारामुला च आतंकवादिएं दे इक मददगार गी हिरासत च लेइयै ओह्दे शा थेआर, गोला बरूद बरामद कीता ते शोपियां च आतंकवादिएं दे इक ठकाने गी तबाह् कीता ऐ। अधिकारिएं मूजब इक टकोह्दी सूह पर कारवाई करदे होई फौज दी 46 राश्ट्री राईफल्स, सीआरपीएफ दी 53 बटालियन ते बारामुला पुलस दे एसओजी नै जिले दे जांबाजपोरा-बिन्नर शिड़कें पर इक सांझा नाका लाइयै शौकत अहमद अज्ज नां दे व्यक्ति गी हिरासत च लैता। जांच दरान ओह्दे शा थेआर ते गोला बरूद बरामद होए। इंदे च 1 एके-47 दी अक मैगजीन ते 20 राउंद शामिल न। दूई बक्खी सुरक्षाबलें शोपियां जिले दे केल्लार इलाके च आतंकवादिएं दे इक गुप्त ठकाने दा पता लाइयै उसी तबाह् कीता। उत्थुआं किश भांडे ते खाने पीने दा समेयान बरामद होआ ऐ।



## Jhiri Mela

सैलसफा निदेशालय जम्मू नै कल जिला प्रशासन जम्मू दे सैहयोग कन्नै कल जारी झिड़ी मेला 2024 दे हिस्से दे तौर पर इक शानदार भक्ति ते सांस्कृतिक रात दा आयोजन कीता। इस कार्यक्रम च मशहूर कलाकार लखविंदर वाडली, रवि रघुवंशी ते सोनाली डोगरा हुंदे आस्सेआ मंत्र मुग्ध करने आलियां प्रस्तुतियां पेश कीतियां गेइयां। एह्दे थमां पैहले उपराज्यपाल मनोल सिन्हा होरें बाबा जित्तो जी गी उंदी भक्ति ते बलिदान

गी मकामी विरासत दा सम्मान करदे होई नमन कीता। इस कार्यक्रम च ज्हारे बद्धे गिनतरी च लोकें जम्मू दी समृद्ध सांस्कृतिक विरासत दा जश्न मनाया। कार्यक्रम राएं इस खित्ते दे मकामी कलाकारें गी इक मंत्र उपलब्ध होआ ऐ। 14 नवम्बर थमां 24 नवम्बर तगर चलने आला झिड़ी मेला कथित गतिविधिएं, सांस्कृतिक कार्यक्रमें ते बक्ख-बक्ख प्रदर्शनिं राएं लोकें गी अपनी बक्खी आकर्शित करा'रदा ऐ।

<><><><><><>

SKAUST Jammu

शेरे कश्मीर कृषि विकास ते प्रौद्योगिकी विश्वविद्यालय जम्मू च चार दिनें दे राष्ट्रीय राई-बाई शिखर सम्मेलन 2024 दी मेजबानी करा'रदी ऐ। इस मेगा इवेंट दा आयोजन 20 थमां 23 नवम्बर तगर कीता जाग। इस सम्मेलन दा आयोजन राई-बाई उत्पादन ते किसान कल्याण मैहकमे दे बागवानी, पशुपालन, भिड़ पालन ते होरने बक्ख-बक्ख मैहकमे कन्नै रलियै कीता जा'रदा ऐ। इस शिखर सम्मेलन दा विषय ऐ "राई-बाई ते विज्ञान दे खेत्तर च नमिं काहडें दा इस्तेमाल"। इस पैहलकदमी दा मकसद ऐ जे करसानें गी नमिं तकनीकां उपलब्ध करोआना ते उत्पादन दे खेत्तर च सुधार आन्नना ते वैश्विक राई-बाई चुनौतिं दे अनुकूल बनाने लेई उनेंगी राई-बाई सरबंघें संदरे कन्नै लैस बनाना ऐ। इस कार्यक्रम दा बड़ी मती गिनतरी च करसानें, नोजवानें, महिलाएं, स्टार्टअप ते राई-बाई उद्यमी, शोधकर्ताएं, विद्यार्थिं, पशुएं दे मालकें, उद्योगपति, सरकारी ते गैर सरकारी संगठन हिस्सा लैंगन। जम्मू कश्मीर, पंजाब, हिमाचल प्रदेश, हरियाणा, उत्तराखंड ते लद्दाख थमां तकरीबन 15 जहार प्रतिभागिं दे इस शिखर सम्मेलन च हिस्सा लैने दी मेद ऐ ते एह सम्मेलन राई-बाई खेत्तर च इक बड़्डी गैह साबत होग।

<><><><><><>

Satish Sharma

युवा सेवाएं ते खेड्डें सरबंधी मैहकमें दे मंत्री सतीश शर्मा होरें जम्मू-कश्मीर दिं तलवारबाज खड्डारन छवी शर्मा हुंदे घर जाइयै उंदे'नै मलाटी कीती। छवी शर्मा होरें जंदे जुलाई म्हीने न्यूजीलैंड दे क्राईस्टचर्च च आयोजित कैडेट ते जूनियर राष्ट्रमंडल तलवारबाजी प्रतियोगिता च कैह दा तगमा जित्तिथै समूलचे देसै दा मान बधाया। एहदे अलावा छवि होरें बक्ख-बक्ख राष्ट्री ते अंतर्राष्ट्री सतह दे मुकाबलें च बी हिस्सा लैते दा ऐ ते राष्ट्री सतह पर केई तगमे अपने नांS कीते दे न। मंत्री होरें इ'नें मुकाबलें च उंदे बेहतरीन प्रदर्शन दी सराहना कीती ते उंदे माता-पिता, कोच ते कन्नै युवा सेवाएं ते खेड्डें सरबंधी विभाग गी बी एहदे लेई मुबारकबाद दित्ती। उनें आखेआ जे सरकार खड्डारिं गी बेहतरीन ढांच ते सुविधां उपलब्ध करोआने लेई वचनबद्ध ऐ तांजे ओह राष्ट्री ते अंतर्राष्ट्री सतह दे बक्ख-बक्ख मुकाबलें च बेहतरीन प्रदर्शन करी सकन।

<><><><><><>

## Recruitment Rally

जम्मू कश्मीर दे बन्ने आले जिले पुंछ च 5एं ब'रें दे वक्फै परैंत फौज आस्सेआ करोआई गोदी भर्थी रैली च 26 ज्हार शा मते नोजवानें हिस्सा लैता। टेरिटोरियल आर्मी दे सोल्जर जनरल ड्यूटी दिएं 307 असामिएं ते कलर्क ते होरने शोवें लेई 45 असामिएं गी पुर करने लेई एह रैली जंदी 8 नवम्बर गी सुरनकोट च एडवांस लैंडिंग ग्राउंड च आयोजित कीती गई। जम्मू संभाग दे जम्मू पुंछ, राजौरी ते रियासी सनें 31उं तैहसीलें दे नोजवानें सोल्जर जनरल ड्यूटी लेई जदके समूलचे जम्मू कश्मीर थमां नोजवानें कलर्क ते होरने असामिएं लेई इस रैली च हिस्सा लैता। तकरीबन 4 ज्हार मेदवारें ग्राउंड टैस्ट पास कीता ते हुन ओह मैडिकल जांच आली परीक्षा देंगन। मकामी लोकें इस रैली दे आयोजन लेई फौज दा आभार जताया ऐ।

<><><><><><>

## J&K Judicial Academy

जिला न्यायपालिका दे जजें,कनूनी सहायता रक्षा परामर्शदाता जम्मू खित्ते दे जांच अधिकारिएं ते शोध सहायकें लेई जम्मू कश्मीर न्यायिक अकादमी आस्सेआ आयोजित नमें फौरी कनूनें दे खास संदर्भ कन्नै अपराधिक न्याय प्रशासन ते सिविल अपराधिक नियमें पर चर्चा सरबन्धी दो दिनें चलने आला सम्मेलन जम्मू कश्मीर ते लद्दाख दी होईकोर्ट जम्मू विंग जानीपुर च कल सम्पन्न होआ। पैहले दिन राजौरी दे जिला प्रधान जज राजीव गुप्ता होरें न्याय प्रशासन दे बक्ख-बक्ख नियमें बारे चर्चा कीती ते इस गल्लै पर जोर भरेआ जे आरोपी दी बेगुनाही गी उसलै तगर बचाई रखेआ जाना लोड़चदा जिसलै तगर ओह दोशी साबत नेई होई जंदा। दुए रोज साबका डिस्ट्रिक्ट ते सेशन जज एम.एस.परिहार होरें असल जिंदगी दे मामले च सिविल जे फौरी नियमें गी असरदार ढंगै कन्नै लागू करने बारे चर्चा कीती।

<><><><><><>

## Dr. Jatinder Singh

केन्द्री मंत्री डॉ. जितेन्द्र सिंह होरें आखेआ ऐ जे जम्मू कश्मीर दे किश्तवाड़ जिले दे मचेल ग्रां गी प्रधानमंत्री सूर्य घर मुफ्त गिजली योजना तैहत सौर ऊर्जा कन्नै जोड़ने दा प्रस्ताह कीता गेआ ऐ। उनें आखेआ ऐ जे मचेल तैहसील सब डिवीजन पाड्डर दे अधिकार खेत्तर आले इलाके हेठ जिसी प्रधानमंत्री सूर्य घर मुफ्त बिजली योतना तैहत सौर ऊर्जा कन्नै जोड़ने दा प्रस्ताह कीता गेआ ऐ। किश्तवाड़ दे डिप्टी कमीशनर राजेश कुमार होरें सोशल मीडिया एक्स हैंडल उप्पर लिखेआ ऐ जे इस ब'रे 5 सितम्बर गी सम्पन्न होई दी श्री मचेल माता यात्रा च 2 लक्ख 80 ज्हार श्रद्धालुएं मत्था टेकेआ ऐ।

<><><><><><>

MIB-NFDC

सूचना ते प्रसारण मंत्रालय दे राश्ट्रीय फिल्म विकास निगम एन.एफ.डी.सी ते मनोरंजन सोसायटी गोवा दे सहयोग कन्नै औंदी 20 थमां 28 नवंबर 2024 थमां गोवा च 55में भारतीय अंतरराश्ट्रीय फिल्म उत्सव दा सरिस्ता करा'रदा ऐ। आकाशवाणी जम्मू संवाददाता दी रिपोर्ट मूजब एह फिल्म उत्सव पणजी च लगगोग। इस ब'रे एहदा विशे सार ऐ युवा फिल्म कार। इस ब'रे Best Debut of Indian Feature Film गी 5 लक्ख रपे दी नकद राशि ते प्रमाण पत्र दित्ता जाग। एहदा मकसद भारत दे युवा हुनर गी बढ़ावा देना ऐ। इस दौरान 81 मुख्यें दियां 180 अंतरराश्ट्रीय फिल्मां दस्सियां जाडन जिंदे च 15 World Premieres शामल होडन।

